



Rimnada sistemica da dretg communal dalla vischnaunca da Sagogn

Nummera 1110.01

Tetel Lescha da tgauns

Ediziun Ediziun dils 06.10.2009

Valeivel 24.06.2010

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 07.11.2017 tras Thomas

Cuntegn

I. Disposiziuns generalas	3
II. Controlla da tgauns	3
III. Possess da tgauns	4
IV. Obligaziuns dil possessur	4
V. Mesiras e castitgs	6
VI. Vigur	7

I. Disposiziuns generalas

Camp
d'applicaziun

Art. 1

¹ Questa lescha reglescha ils fatgs da polizia davart il tener tgauns sin territori dalla vischnaunca da Sagogn.

Cumpetenzas

Art. 2

¹ La suprastanza communal e l'administraziun communal exequeschan questa lescha en coordinaziun cugl uffeci cantunal per la segirtad da victualias e la sanadad d'animals dil cantun Grischun.

² Els miran da tgirar l'informaziun e la cussegliaziun possessurs da tgauns.

II. Controlla da tgauns

Register

Art. 3

¹ L'administraziun communal meina in register dils tgauns ch'ei annunziai en vischnaunca.

Obligaziun
d'annunzia

Art. 4

¹ Il possessur ni la possessura ston annunziar all'administraziun communal mintga tgaun. L'annunzia sto vegnir fatga mintg'onn entochen ils 31 da schaner.

² Cull'annunzia stoi il possessur ni la possessura purtar in mussament ch'il tgaun ei nudaus e registraus tenor lescha subordinada.

³ L'obligaziun d'annunzia entscheiva schiprest ch'il tgaun ha cumplenu treis meins.

⁴ Suenter la cumpra d'in ni plirs tgauns ni suenter ch'in possessur ni ina possessura da tgaun(s) ha priu domicil en vischnaunca, sto(n) tal(s) vegnir annunziaus/-ai enteifer 30 gis.

⁵ Ina midada da patrun enteifer la vischnaunca sto il niev possessur ni la nova pos-sessura annunziar enteifer 30 gis.

⁶ Tier la partenza ord vischnaunca dil possessur ni dalla possessura e suenter la mort dil tgaun sto quei vegnir annunziau enteifer 10 gis.

Taglia da tgauns **Art. 5**

¹ Cull'annunzia stoi l possessur ni la possessura pagar la taglia da tgauns tenor art. 11 ff dalla lescha da taglia dalla vischnaunca da Sagogn.

III. Possess da tgauns

Controlla da virolaziun **Art. 6**

¹ Possessurs da tgauns ein obligai da schar virolar il tgaun tenor las directivas subordinadas.

Tgauns scappai ni tgauns senza patrun **Art. 7**

¹ Tgauns ch'ei scappai ni tgauns senza patrun ston vegnir annunziai enteifer dus luvergis all'administraziun communal. Plinavon vegn procediu tenor art 67 la lescha cantunala da veterinari.

Tratgas da tgauns / casas d'animals **Art. 8**

¹ Per saver menar ina tratga da tgauns professiunala ni ina casa d'animals drova ei ina lubientscha dalla suprastonza communal. Quella vegn concedida sche las cundiziuns personalas dil petent ni dalla petenta sco era las cundiziuns localas e dil spazi garantesch che la segirtad publica, il ruaus ed igl uorden vegnan observai.

² La suprastonza communal ei legitimada da schar controllar la tratga da tut temps e senza s'annunziar.

IV. Obligaziuns dil possessur

Survigilanza **Art. 9**

¹ Igl ei scumandau da schar cuorer entuorn ils tgauns libramein senza survigilanza.

² Possessurs e possessuras da tgauns ston haver quitau che lur animal mulesta buca il contuorn cun giappar ni uorlar continuadamein ed era buca che tal periclittescha ni smantscha carstgauns, tschuffrogna e caschuna donns vida proprietad jastra.

³ Tgauns ch'ils possessurs laian trottar entuorn senza survigilanza, sa l'administraziun communal schar pigliar. Sch'igl ei buca pusseivel da returnar tals tgauns enteifer 5 gis al possessur ni alla possessura encunter ina indemnizaziun pils cuosts per pavel, dimora e tgira, sa la suprastanza communal disponer dad els.

⁴ Possessurs e possessuras procuran che lur tgauns fan buca donns als praus e ch'els surpassan buca ils fatgs dil schurmetg digl uaul ni dalla catscha.

Scamond
d'access

Art. 10

¹ Igl ei scamandau da prender tgauns en baghetgs dall'administraziun publica, en baghetgs dalla scola e baselgia, sin areals da scola e scoletta, plazzas da giugs, implonts da sport sco era santeris. Excepi da quei scamond ein tgauns d'agid ed assistenza.

² La suprastanza communal ha il dretg da slargiar quei scamond d'access sin ulteriurs edifecis ed implont publics.

³ Durent il temps da vegetaziun digl avrel tochen igl october vala il scamond d'access era per parcelas agricolas che vegnan nezegiadadas da tiarzas personas.

Obligaziun da
corda

Art. 11

¹ Pil schurmetg da carstgauns ed animals sco era ord motivs dalla segirtad dil traffic vala sigl entir territori habitau dalla vischnaunca da Sagogn in obligatori da corda.

² Per tgauns che dattan en egl tras lur cumportament sa la suprastanza communal slargiar quell'obligaziun da corda sin ulteriuras parts dil territori da vischnaunca.

³ Egl uaul ed als urs digl uaul vala naven digl avrel tochen il fenadur in obligatori general da corda. Egl ulteriur temps vala igl obligatori per tgauns che san buca vegnir teni sut controlla dalla persuna da survigilanza ed ils quals bandunan vias e sendas.

⁴ Ils cuosts dallas pretensiuns e mesiras sto il possessur ni la possessura purtar.

Tschuffergnadas **Art. 12**

¹ Possessurs e possessuras da tgauns ston mirar ch'ils excrements da lur animals vegnan allontanai immediat naven da proprietad publica ni privata da tiarzs.

² Sitgets da plastic cun excrements astgan buca vegnir deponi ni egl areal da plazzas e vias publicas ni sin parcelas privatas sco era parcelas nezegiadas per diever agri-col ed egl uaul. Els ston vegnir dismiss els conteniders specials (Robidog) ni en auters conteniders da rumians publics.

³ Personas che cunterfan a tal camond ston pagar ultra d'in castitg era ils cuosts per schubergiar e reparatura.

V. Mesiras e castitgs

Mesiras

Art. 13

¹ Enviars possessurs da tgauns che adempleschan buca lur obligaziuns ord questa lescha sa la suprastanza communal disponer las mesiras necessarias per mantener ruaus, uorden e segirtad. Quellas san vegnir disponidas independentamein d'in castitg tenor art. 15 da questa lescha.

² Ei restan resalvadas ulteriuras mesiras tenor dretg subordinau.

Disposiziuns
penalas

Art. 14

¹ Tgi che violescha sapientivamein ni a moda irresponsabla las prescripziuns da questa lescha ni che cunterfa a disposiziuns sillas qualas ella sebas, vegn castigiaus – priu il cass che la lescha federala ni cantunala hagi buca la precedenza – cun ina summa d'entochen 1000 francs.

Incassament da
castitgs
disciplinars

Art. 15

¹ La suprastonza communal relai e publichescha ina gliesta da surpassaments tier ils quals ils organs dalla polizia communal san impunir sil plaz tenor dretg communal in castitg disciplinar.

² Sil plaz astgan castitgs mo vegnir impuni sch'il surpassament ha saviu vegnir observaus sez dil commember dalla polizia communal, sch'ils fatgs ein indiscutabels ord vesta legala e dalla situaziun efectiva e sche la persuna pertuccada renconuscha il fatg.

³ Sche la persuna culpeivla paga immediat il castitg, retscheiva ella ina quittance che menziunescha buca siu num. Cul pagament vegn il castitg legalmein valeivels.

⁴ Sch'ina persuna culpeivla paga buca immediat il castitg, retscheiva ella in formular cun termin da ponderaziun. Paga ella enteifer 30 gis, vegn il formular eliminaus. Autruisa vegn ella tgisada tier la suprastonza communal ed ei vegn introduciu la procedura penala ordinaria.

VI. Vigur

Entrada en vigur

Art. 16

¹ Questa lescha entra en vigur cull'approbaziun dalla radunonza communal.

Ediu tras	Suprastonza communal		
Acceptau tras	radunonza communal	ils	24.06.2010
Controllau tras			
Publicaziun ufficala dalla vischnaunca da Sagogn.			